

|             |                                 |            |             |
|-------------|---------------------------------|------------|-------------|
| Headline    | Reaksi penduduk kampung Serambi |            |             |
| MediaTitle  | Sinar Harian                    |            |             |
| Date        | 22 Jun 2017                     | Language   | Malay       |
| Circulation | 160,000                         | Readership | 509,000     |
| Section     | Nasional                        | Page No    | 5           |
| ArticleSize | 215 cm <sup>2</sup>             | Journalist | ROSILAWATTI |
| PR Value    | RM 11,002                       |            |             |
|             |                                 |            |             |



## Reaksi penduduk kampung Serambi

ROSILAWATTI ROSEDI

PEKAN-Bagi penduduk Kampung Serambi di sini, pemasangan Lampu Jalan Kampung (LJK) Fasa 8 memberikan signifikan tersendiri buat penduduk yang memerlukan lampu tersebut khususnya demi keselamatan mereka.

Seorang suri rumah, Zaleha Ilyas, 49, ketika ditemui bersyukur apabila kampungnya terbabit dalam projek berkenaan.

Menurutnya, lampu itu dapat meningkatkan keselamatan penduduk terutamanya di waktu malam.

"Sebelum ini anak perempuan saya pernah mengalami kemalangan tahun lalu di kampung ini.

"Ia penting untuk keselamatan terutamanya buat pengguna motosikal dan basikal yang memerlukan cahaya ketika berada di atas jalan raya pada waktu malam,"katanya lagi.

Pandangan sama turut diakui bagi seorang pembantu kantin, Rohani Othman, 45 bersyukur kerana kampung itu turut mendapat manfaat daripada projek tersebut.

Menurutnya, ia satu khabar gembira buat penduduk kampung tersebut dan menyifatkan ia satu bukti keprihatinan kerajaan kepada rakyat di negara ini.

Manakala buat Rushidi Abdul Rashid, 39, pemasangan

gan lampu tersebut memberikan cahaya buat kampung itu dan menghilangkan suasana malap sebelum ini.

"Terima kasih kepada kerajaan, KKLW dan TNB kerana tidak meminggirkan kampung ini dan setiap simpang perlu ada untuk keselamatan penduduk di waktu malam,"katanya yang bekerja sendiri itu.

Sementara itu, Penghulu Mukim DUN Pulau Manis, Mohd Ismail Zulkafly setakat ini pemasangan lampu jalan tersebut telah bermula sejak 11 Jun lalu dengan 242 tiang lampu membabitkan tiga kampung iaitu Kampung Pulau Rumpit, Padang Rumbia dan Serambi.

Menyifatkan projek itu memberikan kemudahan dan manfaat besar buat penduduk kampung yang terlibat, Mohd Ismail mengharagai usaha yang telah diambil oleh kerajaan untuk menghilangkan kekusaran penduduk selama ini.

### INFO

- **25,612 unit** lampu jalan kampung dipasang di seluruh Pahang di bawah tujuh fasa melibatkan 28 kampung.
- **7,700 unit** lampu jalan akan dipasang di bawah fasa kelapan untuk Negeri Pahang
- **300,000 unit** lampu jalan telah dipasang di seluruh negara di dalam fasa satu hingga tujuh LJK melibatkan kos RM150 juta.

|             |                                 |            |             |
|-------------|---------------------------------|------------|-------------|
| Headline    | Reaksi penduduk kampung Serambi |            |             |
| MediaTitle  | Sinar Harian                    |            |             |
| Date        | 22 Jun 2017                     | Language   | Malay       |
| Circulation | 160,000                         | Readership | 509,000     |
| Section     | Nasional                        | Page No    | 5           |
| ArticleSize | 215 cm <sup>2</sup>             | Journalist | ROSILAWATTI |
| PR Value    | RM 11,002                       |            |             |
|             |                                 |            |             |



**ROHANI**



**RUSYIDI**



**ZALEHA**



**MOHD ISMAIL**